

A CIG alégrase da repentina preocupación de CCOO e UGT polo persoal laboral

Seis meses despois da proposta da CIG para o persoal laboral, os sindicatos CCOO e UGT súbense ao carro reivindicativo. Benvidos.

Ante a pasividade do resto de sindicatos, en **decembro de 2017 a CIG solicitou a Función Pública** a apertura inmediata dunha **mesa de negociación** co fin de dar cumprida resposta ás **lexítimas reivindicacións do persoal laboral da Xunta de Galiza**. En tanto non se recuperasen todos os dereitos roubados coa castración do V Convenio, esa solicitude de negociación ía acompañada dunha **proposta de acordo para o persoal laboral** que contemplaba os seguintes puntos:

- **DESCANSO SEMANAL:** 60 horas ininterrompidas (48 horas de descanso + 12 horas entre xornadas)
- **FINS DE SEMANA E FESTIVOS:** Garantía de que se librarán de xeito efectivo a metade das fins de semana e dos festivos en cómputo anual.
- **COMPENSACIÓN POR TRABALLO EN FIN DE SEMANA:** 16 días hábiles de libre disposición.
- **DÍAS DE ASUNTOS PROPIOS:** Garántese o goze dos mesmos días de asuntos particulares que o persoal funcionario e laboral que traballa en oficinas administrativas.
- **COMPLEMENTO DE ESPECIAL DEDICACIÓN:** Este complemento debe ser incrementado en 150 €/mes, cantidade que equipararía o que cobra o persoal laboral que traballa as 24 horas do día os 365 días do ano co que cobra o persoal funcionario que ten unhas condicións semellantes (aínda que en ningún caso tan gravosas).

Na CIG alegrámonos de que agora, seis meses despois da nosa proposta, UGT e CCOO amosen un repentino interés por negociar, polo que dámoslle a benvida á loita polo recuperación dos dereitos roubados ao persoal laboral. Como din nos madriles, *nunca es tarde si la dicha es buena*.

Santiago de Compostela, 12 de xuño de 2018

